

衛輝府志卷五十三

雜錄

洪适隸釋云漢桓帝時李朝爲魏郡監黎陽營謁者和平
元年立張公神道碑於黎陽作歌九童頌之其一曰綦水
湯湯揚清波東流九折注於河滌盪塵滓趨朝歌縣以潔
淨無穢瑕公與守相駕蜚魚往來悠忽遠嬉娛祐此兆民
寧厥居其三日朝歌蕩陰及黎陽三女所處各殊方三門
鼎列推其鄉時携甥幼歸侯王夫人肅穆多容光烝殺膾
鯉饗玉觴穆風屑兮起壇旁樂吏民兮永未央其他歌與
衛無涉不錄張公不知何許人碑亦無考

衛輝府志

卷五十三

雜錄

一

前明修潞府時因拓南城穴土得物者三鼎一高尺許渾樸
無華欵似中鼎瓶一蓋古陶器鑑二質均文殊扣之無金
聲時以爲瑞推官龍孚爲拓城三瑞記且綴以說鼎說曰
鼎定也楚城得鼎是名鼎城魯城得金是名金城又鼎新
也作新寓焉城定而民其新矣餅說曰餅盛也語有之城
以盛民也又汲器也瓶而不羸井養不窮引養引恬用康
保民鑑說曰城茲南離鑑卜其明向明而治化道乃成明
德慎罰命之矣舊志本載建置中因物本微瑣說涉附會
姑存於此

輝縣公廡內有唐槐一株輪離奇枝偃如龍以石承之

真千餘年物也西有皂英樹一株傳始自宋孤蠹數尋已半枯矣相傳每結一莢輝邑登賢書一人歷歷不爽至今猶驗

郡有神禹岫嶠碑向在潞府關帝廟今移西關外三聖廟前乾隆四十年糧道黃公叔璈刻記于其下云不知何代物或謂前明潞藩用以厭勝水災云考原碑在湖南衡州府衡山岫嶠峰上廣輿記禹祭衡山夢蒼水使者曰若欲得我簡書知導水爾其齋焉禹乃齋三日果得金簡玉牒其碑皆科斗字韓昌黎詩岫嶠山尖神禹碑字青石赤形模竒是也而昌黎及劉夢得俱未見篆文至宋何子一遊

衛輝府志

卷五十三

雜錄

二

南岳始見碑摹本刻嶽之麓字高濶約五寸許俱難識衛何以亦有之後得郡守程公啟朱記搨本方悉其源流程公本楚之黃岡人康熙三年來守衛行笥有碑刻乃摹鑄置此初非明潞藩時物也其記載沈鑑譯文云承帝曰咨翼輔佐卿水處與登鳥獸之門參身漁池而明發爾興以此忘冢宿岳麓庭智營形折心罔弗辰往求平定革岳泰衛宗疏事哀勞餘伸裡羸塞昏徙南暴昌言衣制食脩萬國其寧鼠舞蒸奔蓋共七十七字黃公之記特因傳聞爲此想當然語耳 晉書束皙傳載太康二年汲郡人不準盜發魏襄王墓或言安釐王家得竹書數十車其紀年十三篇

記夏以來至周幽王爲犬戎所滅以事接之三家分晉仍述魏事至安釐王二十年蓋魏國之史書大略與春秋皆多相應其中經傳大異則云夏年多殷益干啓位啓殺之太甲殺伊尹文丁殺季歷自周受命至穆王百年非穆王壽百歲幽王旣亡有共伯和者攝行天子事非二相共和也其易經二篇與周易上下經同易繇陰陽卦二篇與周易略同繇辭則易卦下易經一篇似說封而異公孫段二篇公孫段與邵陟論易國語三篇言楚晉事各三篇似禮記又似爾雅論語師春一篇書左傳諸卜筮師春似是造書者姓名也瑣語十一篇諸國卜夢妖怪相書也梁止藏

衛輝府志

卷五十三

雜錄

三

一篇先叙魏之世數次言止藏金玉事繳書二篇論弋射法生封一篇帝王所封太歷二篇鄒于談天類也穆天子傳五篇言周穆王游行四海見帝臺西王母圖詩一篇畫贊之屬也又襍書十九篇周食田法周書論楚事周穆王美人盛姬死事凡七十五篇七篇簡書折壞不識名題冢中又得銅劍一枝長二尺五寸漆書皆科斗字初發冢者燒策照取寶物及官收之多燼簡斷札文旣殘缺不復詮次武帝以其書付秘書校綴次第尋考指歸以今文寫之哲在著作觀竹書隨疑分釋皆有義證今紀年等書世多有怪誕不經語類經先儒指駁元王學士惲亦有詩辨之

仙翁山不詳所由名舊志以爲葛洪成真之所元王秋
嘗辨其非確鑿可信不然幾疑此山亦產丹砂矣
郡城築自東魏三面皆方正惟西北隅內收形微圓無圭
角故老相傳形家言此城行龍自乾亥太行山遷迤而來
因歎此以爲導迎且南北二門外一層皆西向亦開門受
氣之義先是舊缺東門上人比如甕形西北爲甕口東南
爲甕底一以引受一以收藏風水完固以故有明二百年
來至嘉靖間科甲聯翩宦望顯赫載在舊乘可考迨潞藩
之國拓城南面開東門遂至寥落聞其時有大蛇數百條
向正東騰空而去夫蛇龍象也豈蛇走卽氣洩乎

衛輝府志

卷五十三

雜錄

四

風俗通云應彬爲汲令主簿杜宣以夏至日請見彬賜之
酒時北壁懸赤弓照杯中形如蛇宣畏惡之然不敢不飲
其日卽得胸腹痛切病妨損飲食大致 政治萬端
不愈彬聞之坐廳事思惟良久顧見懸弩曰必此也使載
宣於故處設酒蛇影仍在杯中因告以故宣頓水釋病遂
平

神頭塔頂在西北三十里許香泉寺之南相傳有黑驢負
海外塔置寺中高峻宏大周圍皆砌以磚磚各鑄一佛像
空洞無階級可升在內仰觀直見天日蓋缺頂也一日黑
驢又負塔頂奔送於寺適爲土人所見遂撒之山坡驢亦

至今塔在香泉寺頂在神頭莊不能合莊因以名
縣西樓兆村有古槐一株枝幹蒼老周圍約四五丈許
空可容人上旁新生一枝青葱鬱勃挺然成一大樹其
老枝舊幹剝蝕幾殘歷久不朽相傳唐尉遲公掛鞭處
潞簡王時珍寶庫失火及熄金銀等鎔爲一因延善鑄鑪
者倣古式鑄之得三百六十座用生牛革裹之埋地下取
得土氣近古意也及遭亂南行不及取迄今竟無知其處
者矣潞琴馳名於世相傳有三百六十號俱散四方本邑
絕無藏者亦憾事彼時窑匠郭姓爲製置琴磚約長五尺
空中以助琴音名郭工磚迄今尚有之然率多破損完者
甚少

衛輝府志

卷五十三

雜錄

五

德勝橋西呂祖堂祀純陽真人萬歷二十年十二月二十
四日黎明風雪交作道人忽見二青衣入廟俄不見遺一
簡有詩曰唐朝進士酒中仙顛倒乾坤不記年今日衛源
聊寄跡隨風披拂落霞天後題回道入書墨跡未乾筆端
飛舞非塵世人可及衆人摹勒於石以誌靈異今其碑尚
存廟中至白雲閣亦有乩書未載

孫徵君竒逢偶記西山白雲寺明末文安縣諸生王珣遯
跡於此依法林長老數十年無有知者其子原以生不識
父面爲恨甫受室即別母尋父既數年歷盡艱苦得遇於

此寺號泣挽歸

尹曄號芝仙浙江山陰縣人系出程門高弟尹彥明之後
明崇禎間官中書精音律帝處之左右每彈琴至精妙處
帝不覺擊節曰仙乎仙乎因號爲芝仙明末遊寓蘇門徜徉
山水志行高潔力敦古道孫徵君極重之樂與爲友
孫用正劄記康熙二十八年己巳江西南康縣孝子楊汝
貞年十二歲當逆藩之變被擄荆襄其母擄之河北托身
於輝民李新時痛念其子汝貞亦自荆襄逃歸徒跣尋母
至輝得遇其事與王原朱重暉同又邯鄲武氏隨夫避荒
蘓門夫死氏自縊以殉之數人雖不籍衛而事皆在衛故
志之

衛輝府志

卷五十三

雜錄

六

鰲來山在縣西北五十里傳自海上飛來與太行角崇卑
至則慙而止神人拔簪插其頭遂不能去今鐵簪尚存搖
之則動舉之不起

新鄉縣北關白鶴觀中有劉海蟾仙蹟在石碣上筆勢飛
動如龍蛇土人云昔年醮會士女雲集有丐者衣襤縷疥
癩周身持籃貯蟾蜍呼號廟中語喃喃不可解人皆惡而
避之數日乃向賣竹器者乞竹簾藉地憩息徐起謝曰多
君厚意此簾勿輕售也以指書秦人劉海蟾遊此七字於
碣出門遂失所在于是遊人共嘆其異因懸竹簾觀之則

中有劉海蟾像詡詡欲動邑令聞之以三十金售焉常置各憲行館中後爲某憲持去考縣志云係宋政和中事白鶴觀在三官廟內證之今所見聞頗異

王士正居易錄歷城明翰林王公敕成化甲辰進士及第三人讀書卧牛山寺得書二冊知未來休咎行至輝縣山中忽下輿拜曰丈乃在此令掘地得奇石置之百泉書院王陽明素推服其人

池北偶談張果中字于度容城人少從學于江村鹿公

善繼

崇禎殉難贈大理寺卿

左浮邱魏廓園罹黨禍被逮皆主其家後從

孫徵君入蘇門高蹈遠引卒葬夏峰村北原徵君爲之傳

衛輝府志

卷五十三

雜錄

七

彭了凡蠡縣人舊爲諸生甲申後游河朔依孫徵君以居士人授粟不受竟坐死嘯臺旁徵君題之曰餓夫墓見池

北偶談

互見
隱逸

池北偶談理鬯和字寒石西華人本姓李恥與 逆同姓改今姓有詩文若干卷後散軼徵君嘗遺書西華左令恤其老母幼孫稱爲魯違後一人予嘗作蘇門三賢詩云